

# 阿毘達磨大毘婆沙論卷第一百四十七

五百大阿羅漢等造  
三藏法師玄奘奉 詔譯

根蘊第六中有納息第二之一

藍字部分：《發智論卷十五》釋論範圍

欲有相續，最初得幾業所生根？

如是等章及解章義，既領會已，當廣分別。

然！有聲目多義，如前廣說。此中說：續、眾同分、有情數、五蘊，名「有」。  
相續有五，亦如前說。此中依二相續作論。謂：中有相續、生有相續。

欲有相續，最初得幾業所生根？

答：卵生、胎生、濕生，得二。謂：身根、命根。

問：最初羯邏藍位，亦得餘色根不？

若得者，如何於少時頃，便得爾所根耶？又此中何故不說？毘奈耶說，復云何通？如說：「於母腹中，二根初得。謂：身與命。若損害彼……乃至廣說。」

若不得者，何故經說：「天眼觀知是男、是女。」？

答：有言：亦得。

問：如何於少時頃，便得爾所根耶？

答：爾時雖無諸色根相，而已具得彼根種子。如清鹽水、酥蜜、沙糖、酒等，  
和合貯在一器。若以草端露取一滴，於中具有鹽等諸味。羯邏藍位應知亦爾。  
一切色根，種子皆具。

問：若爾！何故此中不說？

答：應說而不說者，當知此義有餘。

有說：此中說皆得者，餘得不定，是以不說。如生盲等不得眼等。

問：毘奈耶說，復云何通？

答：彼說：能持諸餘根者。謂：身根能持諸餘色根，命根能持餘非色根，是故偏說。

有說：此位不得餘色根。

問：天眼，云何觀知男、女？

答：羯邏藍時，雖無男、女根，而有男、女相。由觀彼相，得知男、女。所以者何？非彼已有男、女二根-可說觀故。

有餘師說：依經故知。經說：「若胎是男，依母右脇向背蹲坐；若胎是女，依母左脇向腹蹲坐。」得天眼者，觀此差別，依經而說。

或有說者：觀中有知。謂：天眼觀中有-後位。若是男子，入於母胎，知此羯邏藍是男，非女；若女入者，復知此位是女，非男。

如是說者：羯邏藍位未得餘色根；鉢羅奢佉位中，方乃得故。

化生：得六，或七，或八。

無形者，六。調：眼、耳、鼻、舌、身、命根。

一形者，七。調：前六及男、女根，隨一。

二形者，八。調：前六及男、女根。

問：餘無色根爾時亦得。調：意、五受、信等五根，此中何故不說？

答：此中應說而不說者，當知有餘。

有說：爾時一切得者，此中則說：餘無色根，雖有得者，而非一切，是故不說。調：上地歿，生下地時，雖得彼根，若自地歿，還生自地，彼皆不得，是故不說。

有說：此中但問：初得業所生者，初受生位餘無色根，雖有得者，而非業生，故此不說。後位所得雖業所生，而非初得，故亦不說。

色有相續，最初得幾業所生根？答：六。

調：眼、耳、鼻、舌、身、命根。

無色有相續，最初得幾業所生根？答：一。

調：命根。

頗思惟欲界繫法，遍知欲界耶？…乃至廣說。

此中…

- 思惟者→是取所緣義。

- 遍知者→是究竟斷義。

此文顯示：緣彼-彼界法，離彼-彼界染，或不能離。

頗思惟欲界繫法，遍知欲界耶？答：遍知。

此通異生及聖者，通無間道及解脫道。

若世俗道，離欲染時，九無間道-緣欲界法，離欲界染。

若無漏道-苦、集法智，離欲染時，九無間道，九解脫道-緣欲界法，離欲界染。

頗思惟欲界繫法，遍知色界耶？答：不遍知。

頗思惟欲界繫法，遍知無色界耶？答：不遍知。

問：何故俱不遍知？

答：欲界是不定界，非修地、非離染地。色、無色界是定界，是修地、是離染地。非緣不定界，非修、非離染地法，能離定界，修地離染地染。

有說：欲界是麤界，色、無色界是細界，非緣麤界法，能離細界染。

有說：欲界是下界，色界是中界，無色界是妙界，非緣下界法，能離中妙界染。

有說：欲界是劣界，色、無色界是勝界，非緣劣界法，能離勝界染。由此等義，故不遍知。

**頗思惟色界繫法，遍知色界耶？答：遍知。**

此通異生及聖者，通無間道及解脫道。

若世俗道-離色染時，九無間道，緣色界法，離色界染。

若無漏道-苦、集類智，離色染時，九無間道、九解脫道，緣色界法，離色界染。

**頗思惟色界繫法。遍知欲界耶？答：遍知。**

此通異生及聖者。唯解脫道，**非**無間道。謂：世俗道離欲染時，九解脫道緣色界法，離欲界染。

**頗思惟色界繫法，遍知無色界耶？答：不遍知。**

問：何故不遍知？

答：色界是麤界，無色界是細界，非緣麤界法，能離細界染。

有說：色界是中界，無色界是妙界，**非**緣中界法，能離妙界染。

有說：色界是劣界，無色界是勝界，**非**緣劣界法，能離勝界染。

由此等義，故不遍知。

**頗思惟無色界繫法，遍知無色界耶？答：遍知。**

此唯聖者，**非**異生。通無間道及解脫道。謂：無漏道-苦、集類智離無色染時，九無間道，九解脫道，緣無色界法，離無色界染。

**頗思惟無色界繫法，遍知欲界耶？答：不遍知。**

問：何故不遍知？

答：以極遠故，**非**觀極遠界法，能離極遠界染。

**頗思惟無色界繫法，遍知色界耶？答：遍知。**

此通異生及聖者，唯解脫道，**非**無間道。謂：世俗道-離色染時，九解脫道，緣無色界法，離色界染。

**幾根，遍知欲界？**

答：世俗道七，無漏道八。

- 世俗道七者→謂：意、捨、信等五根。
- 無漏道八者→謂：前七及已知根。

**幾根，遍知色界？**

答：世俗道七，無漏道十。

- 世俗道七者→謂：意、捨、信等五根。
- 無漏道十者→謂：前七及喜、樂、已知根。

**幾根，遍知無色界？答：十一。**

謂：前十及具知根。

已知根為無間道，具知根為解脫道，**當知此依「最後位」說。**

問：離欲界染時-最後解脫道，容有根本初靜慮現前，彼以捨根為無間道，

喜根為解脫道，何故不依「最後位」說～世俗道，或八？無漏道，或九耶？

答：此文應作是說：世俗道-七，或八。無漏道-八，或九。而不說者，當知有餘。

有說：此中說決定者。謂：離非想非非想處染時，定以「具知根」為最後解脫道；離欲界染時，**非**定以「喜根」為最後解脫道，有於爾時不能即入根本地故，然於爾時，多依**近分**，故唯說「捨」。

**遍知欲界時，遍知幾根？答：四。**

謂：女、男、苦、憂根。雖於爾時遍知十九，而依永斷，無餘。無分、無片、無影、無隨縛斷，故作是說。

或此中說：「上界-不行、不可得」者，故唯說四。

**遍知色界時，遍知幾根？答：五。**

謂：眼、耳、鼻、舌、身根。雖於爾時遍知十三，而依永斷，無餘。無分、無片、無影、無隨縛斷，故作是說。

或此中說：「上界-不行、不可得」者，故唯說五。

**遍知無色界時，遍知幾根？答：八。**

謂：意、命、捨、信等五根。由此諸根，離非想非非想處染時，皆永斷故。

**幾根得預流果？答：九。**

謂：意、捨、信等五、未知當知、已知根。

未知當知根為無間道，已知根為解脫道。

**幾根得一來果？**

答：若倍離欲染，入正性離生者，**九**。如預流說。

若從預流果，得一來果者，**世俗道七，無漏道八。**

•七者→謂：意、捨、信等五根。

•八者→。謂：前七及已知根。

**幾根得不還果？**

答：若已離欲染，入正性離生者，**九**。

謂：意根。樂、喜、捨根-隨一，依地別故。信等五、未知當知、已知根。

未知當知根為無間道，已知根為解脫道。

若從一來果，得不還果者，**世俗道七，無漏道八。**

七及八，如一來說，此依多分；若入根本，或八，或九。

**幾根得阿羅漢果？答：十一。**

謂：意、樂、喜、捨、信等五、已知、具知根。

已知根為無間道，具知根為解脫道。

問：此說十一，為以用故，為以有故。

若以用者，無有一時三受並用，如何說十一？

若以有者，得不還果亦有三受，何故不說？

答：此以「用」故，不以「有」故。

問：無有一時三受並用，云何說十一耶？

答：依一相續-作用而說，故無有過。謂：容有一補特伽羅，先以樂根得阿羅漢，退已用喜，復退用捨。或初退用捨，後退用喜。如先以樂；如是先喜，先捨，隨應亦爾。證不還果，無如是事。若以此根先得彼果，退已還用此根。而得此根者即捨根，以喜、樂得，無退義故。

得預流果遍知幾根？答：無。

爾時未有一根究竟斷故。

得一來果遍知幾根？答：無。

爾時亦未有根究竟斷故。

得不還果遍知幾根？

答：若已離欲染，入正性離生者，無。義如前說。

若從一來果，得不還果者，四。謂：女、男、苦、憂根。

得阿羅漢果遍知幾根？答：八。

謂：命、意、捨、信等五根。

諸根得預流果，此根得彼果已，當言成就？當言不成就？

答：解脫道攝者，當言成就。

無間道攝者，當言不成就。

道類智-俱生品諸根，是解脫道攝，此當言成就，已得故。

道類智忍-俱生品諸根，是無間道攝，此當言不成就，已捨故。

諸根得一來果，此根得彼果已，當言成就？當言不成就？

答：解脫道攝者，當言成就。

無間道攝者，當言不成就。

道類智，或第六解脫道-俱生品諸根，是解脫道攝，此當言成就，已得故。

道類智忍，或第六無間道-俱生品諸根，是無間道攝，此當言不成就，已捨故。

諸根得不還果，此根得彼果已，當言成就？當言不成就？

答：解脫道攝者，當言成就。

無間道攝者，當言不成就。

道類智，或第九解脫道-俱生品諸根，是解脫道攝，此當言成就，已得故。

道類智忍，或第九無間道-俱生品諸根，是無間道攝，此當言不成就，已捨故。

問：以無漏道，得一來、不還果時，可言無間道攝者不成就。若以世俗道得二果時，無間道不捨，云何言不成就？

答：此二果文，應作是說：解脫道攝者，當言成就；無間道攝者，當言或成就，或不成就。而不作是說者，當知此中唯依「不共勝道」而說。  
有言：此說「現前成就」。以世俗道得二果已，無間道諸根-定不現前故。

諸根得阿羅漢果，此根得彼果已。當言成就？當言不成就？

答：解脫道攝者，當言成就。

無間道攝者，當言不成就。

最初盡智-俱生品諸根，是解脫道攝，此當言成就，已得故。

金剛喻定-俱生品諸根，是無間道攝，此當言不成就，已捨故。

諸根得預流果。此根斷何界結？

答：色、無色界，或無。

- 斷色、無色界者→調：道類智忍-俱生品諸根。
- 或無者→調：道類智-俱生品諸根，以解脫道非斷對治故。

此根何果攝？

答：預流果，或無。

- 預流果攝者→調：道類智-俱生品諸根。
- 或無者→調：道類智忍-俱生品諸根。

諸根得一來果，此根斷何界結？

答：欲界，或色、無色界，或無。

- 斷欲界，或無者→調：從預流果得一來果時，第六無間道-俱生品諸根，斷欲界結；第六解脫道-俱生品諸根，不斷結。
- 斷色、無色界，或無者→調：倍離欲染，入正性離生得一來果時，道類智忍-俱生品諸根，斷色、無色界結；道類智-俱生品諸根，不斷結。

此根何果攝？

答：一來果，或無。

- 一來果攝者→調：第六解脫道，及道類智-俱生品諸根。
- 或無者→調：第六無間道，及道類智忍-俱生品諸根。

諸根得不還果，此根斷何界結？

答：欲界，或色、無色界，或無。

- 斷欲界，或無者→調：從一來果得不還果時，第九無間道-俱生品諸根，斷欲界結；第九解脫道-俱生品諸根，不斷結。
- 斷色、無色界，或無者→調：已離欲染，入正性離生得不還果時，道類智忍-俱生品諸根，斷色、無色界結；道類智-俱生品諸根，不斷結。

此根何果攝？

答：不還果，或無。

- 不還果攝者→調：第九解脫道，及道類智-俱生品諸根。
- 或無者→調：第九無間道，及道類智忍-俱生品諸根。



諸根得阿羅漢果，此根斷何界結？

答：無色界，或無。

- 斷無色界者→謂：金剛喻定-俱生品諸根。
- 或無者→謂：初盡智-俱生品諸根。

此根何果攝？

答：阿羅漢果，或無。

- 阿羅漢果攝者→謂：初盡智-俱生品諸根。
- 或無者→謂：金剛喻定-俱生品諸根。

得預流果時，所捨諸根，此根斷何界結？

答：欲界，或色、無色界，或無。

得預流果時，見道所攝，已得諸根，名為所捨。

此根…

- 或斷欲界→謂：四法智忍-俱生品諸根。
- 或斷色、無色界→謂：四類智忍-俱生品諸根。
- 或無→謂：七智-俱生品諸根。

此根何果攝？

答：無。以無預流下果攝此諸根故。

得一來果時，所捨諸根，此根斷何界結？

答：欲界，或色、無色界，或無。

若倍離欲染，入正性離生，得一來果時，見道所攝，已得諸根，名為所捨。

此根…

- 或斷欲界→謂：四法智忍-俱生品諸根。
- 或斷色、無色界→謂：四類智忍-俱生品諸根。
- 或無→謂：七智-俱生品諸根。

若從預流果，得一來果時，預流果及此勝果道所攝諸根，名為所捨。

此根…

- 或斷欲界→謂：六無間道所攝諸根。
- 或無→謂：預流果及此勝果道中諸加行道、解脫道、勝進道所攝諸根。

此根何果攝？

答：預流果，或無。

- 預流果攝者→謂：道類智-俱生品，所捨諸根。
- 或無者→謂：此勝果道，及見道所攝，所捨諸根。

得不還果時，所捨諸根，此根斷何界結？

答：欲界，或色、無色界，或無。

若已離欲染，入正性離生得不還果時，見道所攝，已得諸根，名為所捨。

此根…

- 或斷色、無色界→謂：四類智忍-俱生品諸根。
- 或無→謂：四法智忍，及七智-俱生品諸根。

若從一來果，得不還果時，一來果及此勝果道所攝諸根，名為所捨。

此根…

- 或斷欲界→調：三無間道所攝諸根。
- 或無→調：一來果及此勝果道中諸加行道、解脫道、勝進道，所攝諸根。

此根何果攝？

答：一來果。或無。

- 一來果攝者→調：道類智-俱生品，及第六解脫道所攝，所捨諸根。
- 或無者→調：此勝果道，及見道所攝所捨諸根。

得阿羅漢果時，所捨諸根，此根斷何界結？

答：色界，或無色界，或無。

得阿羅漢果時，不還果及此勝果道所攝諸根，名為所捨。  
此根…

- 或斷色界→調：離四靜慮染，各有九無間道所攝諸根。
- 或斷無色界→調：離四無色染，各有九無間道所攝諸根。
- 或無→調：不還果及此勝果道中，諸加行道、解脫道、勝進道所攝諸根。

此根何果攝？

答：不還果，或無。

- 不還果攝者→調：道類智-俱生品，及第九解脫道所攝，所捨諸根。
- 或無者→調：此勝果道所攝，所捨諸根。

得預流果時，所得諸根，此根斷何界結？

答：無。調：得預流果時所得諸根，皆是解脫道類所攝；唯無間道攝，能斷煩惱故。

此根何果攝？

答：預流果，或無。

- 預流果攝者→調：道類智-俱生品所得諸根。
- 或無者→調：爾時所得世俗諸根。

問：爾時所得諸根，皆是無漏-預流果攝。復有何世俗根是今所得，而言或無？

答：此文但應說：「預流果」，不應言：「或無」，而說：「或無」者，欲顯～爾時所得命等八根，是無始時來所未曾得，以是初得聖果依故。

得一來果時，所得諸根，此根斷何界結？

答：無。義如前說。

此根何果攝？

答：一來果，或無。

- 一來果攝者→調：道類智-俱生品，及第六解脫道所攝所得諸根。
- 或無者→調：爾時所得世俗諸根。

得不還果時，所得諸根，此根斷何界結？

答：無。義如前說。

此根何果攝？

答：不還果，或無。



- 不還果攝者→調：道類智-俱生品，及第九解脫道所攝所得諸根。
- 或無者→調：爾時所得世俗諸根。

得阿羅漢果時，所得諸根，此根斷何界結？

答：無。義如前說。

此根何果攝？

答：阿羅漢果，或無。

- 阿羅漢果攝者→調：初盡智-俱生品所得諸根。
- 或無者→調：爾時所得世俗諸根。

諸預流者，所成就根，此根斷何界結？

答：欲界，或無。

- 斷欲界者→調：六無間道所攝諸根。
- 或無者→調：預流果及此勝果道中諸加行道、解脫道、勝進道所攝等諸根。

此根何果攝？

答：預流果，或無。

- 預流果攝者→調：道類智-俱生品所成就諸根。
- 或無者→調：諸預流者所成就勝果道所攝諸根，及所成就餘善有漏-染污-無覆無記諸根。

諸一來者，所成就根，此根斷何界結？

答：欲界，或無。

- 斷欲界者→調：三無間道所攝諸根。
- 或無者→調：一來果及此勝果道中諸加行道、解脫道、勝進道所攝等諸根。

此根何果攝？

答：一來果，或無。

- 一來果攝者→調：道類智-俱生品，及第六解脫道所攝所成就諸根。
- 或無者→調：一來者所成就勝果道所攝諸根，及所成就餘善-有漏-染污-無覆無記諸根。

諸不還者，所成就根，此根斷何界結？

答：色界，或無色界，或無。

- 斷色界者→調：離四靜慮染，各有九無間道所攝諸根。
- 斷無色界者→調：離四無色染，各有九無間道所攝諸根。
- 或無者→調：不還果及此勝果道中諸加行道、解脫道、勝進道所攝等諸根。

此根何果攝？

答：不還果，或無。

- 不還果攝者→調：道類智忍-俱生品，及第九解脫道所攝所成就諸根。
- 或無者→調：不還者所成就勝果道所攝諸根，及所成就餘善-有漏-染污-無覆無記諸根。

諸阿羅漢，所成就根，此根斷何界結？

答：無。以阿羅漢諸結已盡，無可斷故。

此根何果攝？

答：阿羅漢果，或無。

- 阿羅漢果攝者→謂：阿羅漢所成就無漏諸根。
- 或無者→謂：阿羅漢所成就善-有漏-無覆無記諸根。

諸預流者，斷結諸根，此根斷何界結？

答：欲界。謂：欲界-修所斷-前六品結。

此根何果攝？

答：無。謂：無間道能斷諸結，沙門果所攝諸根，必是解脫道故。

諸一來者，斷結諸根，此根斷何界結？

答：欲界。謂：欲界-修所斷-後三品結。

此根何果攝？

答：無。所以如前。

諸不還者，斷結諸根，此根斷何界結？

答：色界，或無色界。

- 色界者→謂：四靜慮-修所斷-各九品結。
- 無色界者→謂：四無色-修所斷-各九品結。

此根何果攝？

答：無。所以如前。諸阿羅漢諸結已盡，無斷結根，故不問、答。

諸預流果，所攝諸根，此根斷何界結？

答：無。以沙門果所攝諸根是解脫道，唯無間道能斷結故。

諸一來果、不還果、阿羅漢果，所攝諸根，此根斷何界結？

答：無。所以如前。阿羅漢果，又無結可斷故。

諸苦智，是於苦無漏智耶？…乃至廣說。

問：何故作此論？

答：欲令疑者，得決定故。謂：苦智、集智，行相無雜，所緣有雜；滅智、道智，行相無雜，所緣無雜。

或有生疑：如苦、集智行相無雜，所緣有雜，滅、道智亦如是耶？如滅、道智行相無雜，所緣無雜。苦、集智亦如是耶？

為令此疑，得決定故，顯～苦、集智所緣有雜，滅、道智所緣無雜，故作斯論。

問：何故苦智、集智行相無雜，所緣有雜？

答：離苦、無集，離集、無苦故。謂：

一一有漏事，果義名「苦」，因義名「集」。

即於一一有漏事中，若智作苦等四行相轉，名「苦智」；若智作集等四行相轉，名「集智」。故苦、集智，行相無雜，所緣有雜；滅智、道智，行相、所緣二俱無雜，滅等、道等行相異故，有為、無為所緣-別故。

諸苦智，是於苦無漏智耶？設於苦無漏智，是苦智耶？

答：諸苦智，是於苦無漏智。

✿由無漏智，於苦事中，作非常、苦、空、非我-四行相轉，名「苦智」故。

有於苦無漏智，非苦智。謂：於苦知集智。

✿由無漏智，於苦事中，作因、集、生、緣-四行相轉，名「集智」故。

前已說離苦、無集，故集智所緣，亦名為「苦」。

諸集智，是於集無漏智耶？設於集無漏智，是集智耶？

答：諸集智，是於集無漏智。

✿由無漏智，於集事中，作因、集、生、緣-四行相轉，名「集智」故。

有於集無漏智，非集智。謂：於集知苦智。

✿由無漏智，於集事中，作非常、苦、空、非我-四行相轉，名「苦智」故。

前已說離集、無苦，故苦智所緣，亦名為「集」。

諸滅智，是於滅無漏智耶？答：如是。

設於滅無漏智，是滅智耶？答：如是。

諸道智，是於道無漏智耶？答：如是。

設於道無漏智，是道智耶？答：如是。

由前已說滅智、道智，行相、所緣，俱無雜故。

✿若無漏智，緣擇滅，作滅、靜、妙、離-四行相轉，名「滅智」。

✿若無漏智，緣聖道，作道、如、行、出-四行相轉，名「道智」故。